

傳信尤易方

四



尤易方卷之四

易州醫官鄭廷臣校閱
涇陽醫士王玘校正

頭面門 附手足鼻衄

治頭面腫大疼痛并喉痺用殭蚕一兩大黃二兩為

末姜汁丸如彈子大每服一九并花水入蜜少許

研食後徐徐呷飲

治頸項腫與頭相統按之堅硬用漏蘆湯一劑服下

發痒項刻消散 惟症奇方

治頭面及身腫如蛇狀取雨濕磚上青苔冷調塗立

消

治頭面渾身生泡如甘棠梨破則出水內有石一片

專治此易方卷之四一頁四角

如指甲大其泡復生抽盡肌肉不可治矣急用三稜莪朮各五兩為末分作三服酒調下惟症奇方之

治頭面生乾濕癬瘡用白礬為末酒調塗之

證類本草

治頭面熱發有光色他人手近如火灸用蒜汁半兩酒調下吐物似蛇遂安惟症奇方

治人小人頭上軟癬取桃樹霜過不落桃奴為末油

調傅之

證類本草

治面上疥炮及婦人黑炮如雀卵色搗白茯苓末蜜

調傳之 本草集要

治面上黥黷用白附子為末臨卧先以漿水洗面後以白蜜調末塗紙上貼之漸漸自落○又方用白殭蚕為末如前貼之 奇效良方

治面奸用杏仁去皮搗膏和雞子白夜卧塗面明早以煖酒洗之 奇效良方

治面黥黷風刺用苦參一斤赤芍藥冬瓜子各四兩玄參二兩為末每用芡湏手洗面上○又方用白附子白芨白歛胡粉等分為末淨洗臨卧以乳汁調一錢塗面旦洗去取牛乳亦可

治面黥黑子用郁李核仁去皮細研以雞子白和如
飴塗至晚淡漿洗之後塗胡粉不過五六日瘡

金翼

治面上黑痣用寒食節前後取桑條燒灰淋汁熬成
膏貼痣自落○又方用烏梅為末唾津調塗

千金方

治面上生瘡用平胃散末以冷水調塗之

治面上及遍身生瘡如猫兒眼有光彩無膿血冬則

近頸名曰寒瘡多食雞魚葱蒜愈

惟証奇方

治面上軟癰流膿不愈用爛船底燒灰為末油調傳

極效

治面上癰腫用木蘭香一斤以三年陳醋浸令沒百
日出曝乾為末以傅之每日亦服方寸匕○又方
取雞糞白為末塗之○又方用白殭蚕衣魚鴈屎
等分為末以麪膏和塗瘡亦治一切癰痕千金方
治面上癰痕并野蠃瘡鼻用蜜陀僧為末乳汁調塗
效

治面上白駁用肉桂為末唾和傅之白駁即白癰風
○又方用蛇脫皮熟搥棄草中○又方用天河水
洗之即空樹中籬頭也證類本草

治面上粉刺用兔絲子搗絞取汁塗之瘡子母秘錄

治面風用益母草灰面湯和燒七次洗用之千金方

治面目上被打青腫以猪肝片貼之即消奇效單方

治渾身忽然肉出如錐痒痛不能飲食名血擁用赤

皮葱燒灰淋汁洗內服淡豆豉湯數盞而愈

治臨卧渾身虱出約五升血肉俱壞而舌尖血出不

止用鹽醋湯飲十數次即愈惟證奇方

治遍身皮底渾渾如波浪聲痒不可忍抓則血出不

能止名氣奔用苦荬青鹽細辛各一兩水二碗煎

數沸飲盡而愈奇效方

治手足皴裂血出疼痛及胃氣凍凌面目手足皴爛

疼痛用猪腦髓著熱酒中洗之瘥

養生書

治手足皴裂用獺四足燒灰以蜜調塗○又方取鵝

尾翬塗搽

居家必用

治冬月手足開裂用香油半兩以慢火煎沸入黃蠟
一塊同煎候溶入官粉五倍子末少許熬令稠紫
色為度先以熱湯洗火上烘乾即以藥傅上以薄
紙貼之備急方

治寒足跟凍爛用五月五日午時採收艾同與姜葱
搯一作一時許更不再發

養生書

治脚指腫爛如火燒瘡用綠礬飛過為末先以鹽湯

洗瘡拭乾傳之百一方

治足筋卒痛用生姜半斤搗如泥貼裹痛處

衛生易簡方

治指掣痛用醬和蜜溫傳之愈千金方

治手指忽腫痛名代指用烏梅仁搗以苦酒浸和以指漬之須臾瘥肘後方

治手指刀傷鋸折去節痛血不止用葱白火煨乘熱搗爛再入唾涕和勻傳傷處以帛縛裹每日照前易之一二次痛血即止

出藥性註解

治手足生蛇頭瘡腫痛甚者用寒水石雄黃為末水調傳之惟症奇方

治手足指頭害痛久不愈用雄黃研水塗數次即愈

千金方

治手足及腰折傷收寒食蒸餅不拘多少搗末酒調服有驗

肘後方

治臂腿脛膝痛虎脛骨四兩粗搗炒黃羚羊角屑二兩芍藥四兩剉細無灰酒浸春夏七日秋冬倍之每日空腹飲一盃冬間速要服以銀器盛於火爐中煖養三二日即可服不計深淺皆效

治遠行脚打成泡用水調生麪糊塗過夜即乾不可穿破次日難行

治陷甲生入肉常有血疼痛黃耆當歸等分為末貼
瘡上若有惡肉研硫黃末貼千金方

治甲疽弩肉暴申膿血疼痛須剔去肉中甲或成瘡
不瘡用乳香末膽礬燒等分研細傅之肉消則瘡
經驗方○又方取牡蠣厚處生搗細為末每服二
錢研靛花酒調下如傷已潰爛以末傅之經驗方

○又方用萆澄茄半兩薄荷三錢荊芥穗一錢為
末煉蜜丸櫻桃大每服一丸噙化燕津○又方用
小蘗一把水二升煮取一升去滓分服衛生易簡方

治鼻內窒塞不通不得喘息用菖蒲皂角等分為末

每用一錢綿裹塞鼻中仰卧片時取效

醫經大旨方

治鼻塞多年不聞香臭水出不止以蒺藜二握放當道車輾過以水一盞煎取半盞仰卧先滿口含飯以汁一合灌鼻中不過再灌之嚏出一兩箇瘰肉似赤虫即瘥

惟証奇方

治鼻塞燒麻鞋灰吹鼻中立通

本草集要

治鼻衄取萱草搗汁一盞生姜汁半盞相合時時細嚥下兼治酒黃疸砂淋甚效○又方用蘿蔔搗汁灌入鼻中○又方用龍骨為末吹入鼻中○又方用自己髮燒灰吹入鼻中○又方用大紙一張作

八指用無根水蘸濕貼顙門上良久即止如不止
用熨斗熨之以上俱涇陽醫上王訂方○又方用
白芨末津調塗山根立上○又方用葱白一握搗
汁滴鼻中餘葱接酒飲服○又方用生姜自然汁
磨好墨滴鼻中立止○又方用新汲水麪漿飲之
立止○又方用梔子仁燒灰存性為末以筒吹入
鼻內亦治下血不止并花水調服

治衄血用黃葵子為末新汲水調二錢下

治鼻衄用枯白礬白龍骨各一錢麝香一毫各為末
和勻每用一字先將冷水洗淨鼻內血涕然後吹

藥或以濕紙撚蘸藥入鼻內尤妙○又方用桔梗
為末水服方寸匕亦止吐血下血經驗後二方○

又方用醴醐酒半盞盛葡萄自然汁半盞相合令勻
再用湯溫過服之立驗安老方○又方取土馬駝

墻上有者是甘草各一分黃藥子半兩右為末每
服二錢新汲水調下如未止再服立止衛生寶鑑

治鼻衄及膈上盛熱乾地黃龍腦薄荷等分為末冷
水調服孫兆方

治酒瘡風鼻上赤將橘核微炒為末每服一錢七研
胡桃肉一枚同以溫酒調服

治酒瘡鼻用白鹽搽爲妙

備急方

○又方用山梔仁

爲末煉蜜丸彈子大空心嚼一九白湯下

治鼻病酒瘡用馬蘭子搗爛傳之佳

醫林集要

治鼻面酒鼓炮取鷺鷥屎一合研以臘月猪脂和每

夜傳之

治鼻中生瘡用杏仁研如膏以乳調塗○又方用玄

參水漬軟鼻中或爲末塗之

治鼻尖赤及鼻中生瘡用辛夷碾末入腦麝少許綿

裹納之○又方以白鹽常搽妙○又方以馬牛耳

垢傳之○又方用黃栢苦參檳榔等分爲末以猪

脂調傳尤妙○又方用槐花青黛杏仁研傳之○

又方用杏仁研爛以乳調傳之

丹溪心法

治久患鼻瘡膿血極臭者用百草霜不拘多少研極細末每一錢食後以冷水調服

治赤鼻久不瘥用大黃朴硝各等分爲細末水調敷患處

治赤鼻用枇杷葉去毛一兩梔子仁五錢爲末每服

二三錢溫酒調下早服去右邊晚服去左邊

扶壽精方

治鼻赤如瘤用硫黃輕粉細辛乳香等分爲末井花

水調搽

治鼻中瘰肉用枯白礬末面脂和綿裹塞鼻中數日
肉隨藥落○又方用苦瓜蒂為末傳之奇效單方

治鼻痛常以油塗鼻內外酥亦妙千金方

治人鼻中毛出晝夜長一二尺漸漸粗圓如繩痛不
可忍摘去更生此因食猪羊血過多而然也用礪
砂乳香為末飯丸水下十粒早晚各一服病去乃
止養生書

治人鼻口中氣出盤旋不散疑似黑蓋過十日漸漸
至有與肉相連堅勝鐵石無由飲食多因瘡後得
之用澤蘭水煎日飲三盞五日愈